

Die 29 Augusti

In Passione S. Ioannis Baptistæ, martyris
 (Memoria, sed in Transiordania: Sollemnitas)

Omnia sicut in Missali et in Lect. III sed in Transiordaniâ adiungatur hæc secunda lectio:

LECTIO SECUNDA

«Ioannes baptizavit baptismo pænitentiae»

Lectio Actuum Apostolorum

19, 1 - 7

In dièbus illis:

Factum est cum Apóllo esset Corínthi, ut Páulus peragrátis superióribus pártibus veniret Ephesum et inveniret quosdam discipulos, dixítque ad eos: «Si Spíritum Sanctum accepístis credéntes?» At illi ad eum: «Sed neque si Spíritus Sanctus est audívimus». Ille vero ait: «In quo ergo baptizáti estis?» Qui dixérunt: «In Ioánnis baptísmate». Dixit autem Páulus: Ioánnes baptizávit baptisma pæniténtiæ, pópulo dicens in eum qui ventúrus esset post ipsum ut créderent, hoc est in Iesum».

His audítis, baptizáti sunt in Nómine Dómini Iesu; et cum imposúisset illis manus Páulus, venit Spíritus super eos, et loquebántur línguis et prophetábant.

Verbum Dómini.

Praefatio (propr.)

V̄. Dóminus vobiscum.
 R̄. Et cum spiritu tuo.
 V̄. Sursum corda.
 R̄. Habémus ad Dóminum.
 V̄. Gratias agámus Dómino Deo nostro.
 R̄. Dignum et iustum est.

Vere dignum et iustum est, aéquum et salutáre, nos tibi, semper et ubíque grátias ágere: Dómine, sancte Pater, omnipotens ætérne Deus: per Christum, Dóminum nostrum. In cuius Præcursóre béato Ioánnem tuam magnificéntiam collaudámus, quem inter natos mulierum honóre præcípua consecrásti. Qui cum nascéndo multa gáudia præstitisset, et nondum éditus exsultásset ad humánæ salutis advéntum, ipse solus ómnium prophetárum Agnum redemptiónis osténdit. Sed et sanctificándis étiam aquæ fluéntis ipsum baptismatis lavit auctórem, et mérui fuso sángine suprémum illi testimónium exhibére. Et ídeo, cum cælórum Virtútibus, in terris te iúgiter prædicámus, maiestáti tuæ sine fine clamántes: Sanctus, Sanctus, Sanctus...